

यादां रे परछावे

मधुसूती

H

784.409545

2 Sh 23 Y

H

784.409

545 2

Sh 23 Y

यादां

रे

परछावें

Jwala Prasad Sharma

ज्वाला प्रसाद शर्मा और अच्छर सिंह परमार

द्वारा रचित

पहाड़ी गीत

Dr. J. P. Singh

प्रकाशक

घाटी गुंजन कला मंच

शिमला

लेखक :

ज्वाला प्रसाद शर्मा

अमृत निवास, शिमला-171002 (हिमाचल प्रदेश)

अच्छर सिंह परमार

पुरुषार्थी वस्ती, शिमला-171001 (हिमाचल प्रदेश)



Library


IAS, Shimla

H 784.409 545 2 Sh 23 v



G1257

मंच, प्रसारण, अनुवाद, फिल्मों-दूरदर्शन, कैसेट आदि के लिए प्रयोग करने से पहले लेखकों की अनुमति आवश्यक है।



प्रथम संस्करण

— 1989, PANCHAJANYA.

प्रतियाँ

— पाँच सौ

प्रकाशक

— घाटो गुंजन कला मंच (पंजीकृत) द्वारा
185, लोअर बाजार, शिमला-171001
(हिमाचल प्रदेश)

मूल्य — 30-00 रुपए

मुद्रक — बीर आफसेट, 8/ए, माया पुरी, नई-दिल्ली

सम्पादकीय

घाटी गुंजन कला मंच एक पंजीकृत सांस्कृतिक संस्था है। इसने पिछले कई वर्षों से लोक संस्कृति में अपनी सेवाएं भारत भर में प्रदान की हैं। मंच का उद्देश्य नए कलाकारों को प्रोत्साहित करना, लोक संगीत व लोक नृत्य आदि के संरक्षण के लिए कार्य करना है। अब मंच ने यह भी जरूरी समझा कि जो लेखक-कवि अपनी लेखनी द्वारा अपनी भाषा की सेवा में लगे हैं उनके लेखन कार्य का प्रकाशन करके उन्हें सुरक्षित रखा जाए। मंच का यह प्रथम प्रयास ज्वाला प्रसाद शर्मा और अच्छर सिंह परमार द्वारा लिखित पहाड़ी गीतों की पुस्तक “यादां रे परछावें” का प्रकाशन है। इस बात को अनेकों लोग नहीं जानते होंगे कि इन दोनों लोक कलाकारों की जहां आवाजें सुरीली व लोक प्रिय हैं वहीं इनकी लेखनियाँ भी सशक्त हैं। इनकी रचनाओं को सुरक्षित और जन मानस तक पहुँचाने के लिए मंच ने इनका प्रकाशन आवश्यक समझा। इन रचनाओं में भाव की सादगी, भाषा की सरलता और विचारों की गहराई का अद्भुत संगम है। सभी रचनाएं गेय हैं, अतः पाठकों और गायकों को अवश्य पसन्द आएंगी। मंच का यह प्रथम प्रकाशन है। आपके सहयोग से आशा है, यह क्रम जारी रहेगा।

घाटी गुंजन कला मंच

शिमला

आमुख

कवि हृदय की कोमलतम भावनाएं जब भी अंगड़ाईयाँ लेती हैं तब कविता उत्पन्न होती है और जब यही भावनाएँ संगीतमयी हो जाती हैं तब गीत की गुनगुनाहट पैदा होती है। ये भावनाएँ किसी भाषा विशेष की प्रतीक्षा नहीं करतीं। इन्हें व्यक्त होने में जो सरल और सहज भाषा माध्यम पाती हैं, गीत-संगीत में ढल जाती हैं, हम ऐसा समझते हैं।

हिमाचल प्रदेश के अनेक कवियों ने पहाड़ी में अपने विचारों की अभिव्यक्ति की है। इसी दिशा में हमने भी अपनी रचनाओं के माध्यम से छोटा सा प्रयास किया है जो आपके सम्मुख है। इस पुस्तक 'यादां रे परछावें' के सम्बन्ध में हम यह महसूस करते हैं कि प्रत्येक रचना हमारी और आपकी अपनी ही बात है। भावों का मूल्यांकन आप करेंगे हम तो यही जानते हैं। इस पुस्तक की रचनाओं की भाषा ठीक वही है जो इस प्रदेश के अधिकाधिक जन मानस पटल पर है जो प्रदेश के अधिकांश भागों में बोली और समझी जाती है। इनमें से कुछ एक रचनाएँ आकाश वाणी और दूरदर्शन के माध्यम से प्रसारित होती रही हैं तथा उन्हीं की लोकप्रियता ने हमें अत्यधिक प्रोत्साहित किया—हमारी लेखनियों को सबल किया। यहां तक कि इन्हीं में एक रचना :

“न आसे कांगड़ी न चम्बयाल

न आसे कुल्लवी न मण्डयाल,
न सिरमौरी न किन्नौरी,

न कहलूरी वासी।

सारे हिमाचल वासी, आसे पहले हे भारतवासी ॥”

जोकि भाषा एवम् संस्कृति विभाग के माध्यम से भारत भर के अतिरिक्त विदेशों में भी प्रस्तुत की गई। हमारी संगीत में थोड़ी बहुत रुचि होने के कारण हमने ये प्रयास किया है कि इन सभी रचनाओं को स्वर ताल में बाँधा जा सके। देश-प्रदेश के सभी संगीत प्रेमियों से हमारा सप्रेम अनुरोध है कि यदि वे इन रचनाओं को मंच, आकाश वाणी, दूरदर्शन, कैसेट व फिल्मों आदि में स्वर दें तो हमारा प्रयास सफल हो जाएगा।

आदर सहित,

आपके अपने
ज्वाला प्रसाद शर्मा
अच्छर सिंह परमार

सभी लोक गायकों और अनाम रचनाकारों को
समर्पित

ज्वाला प्रसाद शर्मा और अच्छर सिंह परमार के लिखे गीतों की इस लड़ी में भरपूर अपना पन और अपनी माटी की अनौखी खुशबू छुपी है। 'यादां रे परछावें' पढ़ कर या गा कर ऐसा लगता है जैसे कोई अपना ही प्रतिविम्ब देख रहा हो। इन गीतों में हिमाचली शैली और ख्याल की उड़ान का अद्भुत संगम है। ऐसा लगता है जैसे कोई अपने से बातें करके मन का बोझ हल्का कर रहा हो।

मुझे पूरी उमोद है इन गीतों को गा कर या सुनकर हरेक दिल में एक मीठी याद जागेगी, क्योंकि इनकी सादगी दिल की गहराईयों को छूने वाली हैं। आशा करता हूँ 'यादां रे परछावें' शिखरों और घाटियों में हिलोर भर देंगे। प्यार के, विछोह के और संयोग के ये तराने हर जुबान पर रहेंगे।

इन दोनों प्रतिभाशाली लेखकों — कलाकारों को मैं बधाई देता हूँ जिन्होंने अथक प्रयास से सही जुबान में इस संग्रह को साकार कर दिया। 'यादां रे परछावें' अपने में एक अनूठी मिसाल है, अमिट छाप है।

एस. शशि

(संगीत निर्देशक)

आकाशवाणी दिल्ली

सूची

पहला भाग

लेखक : ज्वाला प्रसाद शर्मा

रचना	पृष्ठ
सारे हिमाचल वासी—पहले हे भारतवासी	1
तेरी बंगा री छुण-मुण	2
आई गया पाणी	3
शहीदाँ री याद	4
पहले हे भारती भाई	5
लगी जातरा मण्डी नगरा म्हारे	6
मारकंडा रे मेले जो	7
शिमले री पैड़ियां	8
किस रीस करनी	9
खिली गई लो चानणी	10
ओ हौलदारा	11
ओ मनेजरा	12
मेरेया भादरा	13
उचिए चीले मुईये	14
देखणी नल्वाड़ी	15
सेहरा तेरा गुलनार लाड़या	16
परिवार नियोजन	17

रचना	पृष्ठ
कालजुए पीड़ लगदी	18
गंगी	19
भजन	20
भारत प्यारा	21
किथी गई स्यों कसमा सारी	22
पखेरूए भरी चागा	23
नीले पाणिए री भीले	24
वरसात लगुरी	25
तेरा बछोड़ा किहां करी सैहणा	26
इन्तजार अड़िए	27
मैं मेले जो किहां जाणा	28
गजल	29
गजल	30
लोरी	31
मेरे हाणिया	32
ठुमरी	33
यादाँ तरसांदी	34
विदाई	35
अंभू किले आए	36
जं मैय्या टारना	37
बाँका जीणा हिमाचला रा	38
मुकी जाणी जिन्दड़ी	39
आई गया होश छोरीए	40
टेपे अंभुआँ रे	41

दूसरा भाग

लेखक : अच्छर सिंह परमार

रचना	पृष्ठ
आसारा हिमाचल	43
झीला रो सैर	44
बिजली गरागड़े	45
सुफना डरौणा	46
शिमले री धारे	47
सुण भाईया करसाणा	48
म्हारे वीर	49
जै जगतारनी	50
हासी के न टाल गोलिए	51
एक भतेरा	52
आए परौहणे	53
गड्डी रोक ओ डलेबरा	54
तेरा डेरा पुछेआ	55
न्ह्यालप	56
कालजे रा दाह	57
रोस मलेखा	58
वचारा आँभू	59
यादाँ रा परछावाँ	60
दलासे	61

रचना	पृष्ठ
डंग काली राती रे	62
भर बरसाती	63
कच्चे छाले	64
याद देख्याँ औन्दी	65
अरज	66
भलो नी ओ कीती	67
रेके	68
से गल्लाँ गई	69
बसणा	70
सरुआँ री डालिए	71
वदला रे टलुआ	72
चल जानी मेरिए	73
कुस जो सुणाऊँ	74
काटी कने फंग	75
मेरी जिन्दड़ी	76
पलेस	77
कलेस	78
गलान्दा देखेआ	79
गंगी—वालो	80-85

छोटी मोटी गलां ता मक्वाई कने मुकणी
एकी जूँआं पिछे आसा खिंध नी फुकणी



ज्वाला प्रसाद शर्मा

पहला भाग
(पृष्ठ 1 से 41 तक)

सारे हिमाचल वासी — पहले हे भारत वासी

न आसे कांगड़ी न चम्बयाल, न आसे कुलवी न मण्डयाल,
न सिरमौरी, न किन्नौरी, न कहलूरी वासी, सारे हिमाचल वासी,
पहले हे भारत वासी ।

सरगा जो छुन्दी इत्थी उची-2 घाटियां,
बरफानी चहरां ने ढकी रेंहदियां ।
असमानी रंगा री डूधी-2 नदियां,
राती ध्याड़े छोड़े-छोड़े बैहंदी रेंहदियां ।
ये ता तीरथ हा म्हारा जिहां काशी
सारे हिमाचल वासी — पहले हे भारत वासी

फल फूल इत्थी सारी दुनियाँ ते न्यारे,
जित्थी जांदे म्हाचला रा नाँव करदे ।
भादरां च भादर जवान म्हारे म्हाचला रे,
देशा पीछे मरने ते हैं नी डरदे ।
बड्डा कालजा चौड़ी छाती
सारे हिमाचल वासी-पहले हे भारत वासी...

घर-घर द्यो देवी वास इत्थी करदे,
तीरथा रा सारा सुख इत्थी मिलदा ।
घणे—घणे जंगलां च कुदरत नचदी,
जीणे रा नजारा सारा इत्थी मिलदा ॥
इत्थी देवते लाख चुरासी
सारे हिमाचल वासी — पहले हे भारत वासी ॥

बंगां री छुण-मुण

तेरी बंगा री छुण मुण कालजु जो बजदी ।
छूटी जांदी हाथा री दराटी ओ मेरी म्याणिए ॥

- (i) विन्दिया री गल तेरी दूरा तक कीती मैं,
आदरा री जगाह तिज्जो कालजू च दिती मैं ।
ज्यूआ जो हा पता मुईये तू किहां जीती मैं,
तुध बाभी जीणा मेरा, जिहां भादरों रा न्हेरा
वणदी थी जिस्मा री माटी ओ मेरी म्याणिए ॥

तेरी बंगा री छुण मुण...

- (ii) होर गलां छड़ी दे तू इक पयाड़ा सुणी लै,
मुल्खा जो छडणे रा इक ध्याड़ा चुणी लै ।
होरत बसांधे घर मोटा माड़ा सुणी लै,
ए हल्के मलेखे दूर करने भलेखे ,
रही लोड़ी उमरा री चाटी ओ मेरी म्याणिए ।

तेरी बंगा री छुण मुण कालजु जो बजदी ।
छूटी जांदी हाथा री दराटी ओ मेरी म्याणिए ॥

आई गया पाणी

(1959-60 में बिलासपुर शहर को भाखड़ा भील में जल मग्न होते देख तथा इस कारण अपना घर छोड़ते हुए एक दम्पति अपनी भावना व्यक्त करते हुए)

—(०)—

चल मेरी जिन्दे नवीं दुनियाँ वसाणी ।
डूबी गये घर बार आई गया पाणी ॥

- (i) म्हारे बजुर्गा री रखियां नशाणियां ,
म्हारे ही साम्हणे बणियां कहाणियां ।
ग्वाड़ु-स्वाड़ु मुके मुकेया खूहा रा पाणी,
भाखड़े रा डैम चढ़ेया आई गया पाणी ॥

चल मेरी जिन्दे

- (ii) जिन्हा जिन्हा गलियां च बापुए फराये ,
अम्मा री गोदा च सैर करी आये ॥
उन्हां रे प्यारा री गल्लां याद किहाँ आवणी ।
डूबी गईयां गलियां से आई गया पाणी ॥

चल मेरी जिन्दे

- (iii) सांढू री नल्वाड़ी रंगनाथा रे मेले,
भूली गये हुण बेड़ी-घाटा रे फेरे,
बेड़िया रे फेरे,
लहेड़ा रे बागा री लीची किते खाणी ।
डूबी गईयां बागां से आई गया पाणी ॥

चल मेरी जिन्दे नवीं ।

डूबी गये घर बार ॥

शहीदां री याद

हुई के शहीद जिन्हे शान बढ़ाई,
मावां रे बेटे मुके बैहणा रे भाई ।

हुई के शहीद

- (i) जंगा रे मोर्चे री जीती लई वाजी ,
भारत भूमि री इज्जता री वाजी ।
गोली भी खाधी ता हीका पर खाधी ,
पीठ नी दसी भावें जान गंवाई ॥

हुई के शहीद

- (ii) तारां केढ़ी ये बौडरा ते आई ,
नवीं नवेलियाँ री माँगा मटाई ।
घरती वीरां री जित्थी मौत भी हारी उत्थी ,
मरी ने भी जिन्दे म्हारे वीर सपाही ॥

हुई के शहीद

- (iii) आपणा जे फर्ज नभाया म्हारे वीरे ,
दुनियां जो सवक सखाया म्हारे वीरे ।
तन मन धन हुण वीरां रे अर्पण ,
लोहुए री बूँदा जिन्हे देशा ते चढ़ाई ॥

हुई के शहीद

मावां रे बेटे

पहले भारती भाई

असें हिन्दू भी हे मुसलमान भी है
सिख भी कन्ने इसाई,
सभी धर्मा रे हुन्दे भी सारे
पहले हे भारती भाई । ... असें हिन्दू भी हे

(i) जेढ़ी गल्लां गीता च लिखियां
से ही कुराना च बाची,
गुरुआँ री बाणी से ही गलांदी
वाईबला च से ही जाची,
मन्दर मस्जिद होर गुरद्वारे
चर्चा री एक पढ़ाई । — असें हिन्दू भी हे... ..

(ii) मिली ने रैहणा असां ते सिखेया
सारी दुनियां रे लोके,
मित्तर म्हा रे खूब सराँहदे
दुश्मण भरदे हौके,
हल्की फुल्की गल्लां च पई के
खुणनी नी कोई भी खाई । — असें हिन्दू भी हे.... ..

(iii) खिड़—खिड़ाँदी रुत्तां इत्थी
सारी दुनियां ते न्यारी,
छैल छबीले गभरू म्हा रे
भारता री भादर नारी,
मुल्खा री खातर जीणा मरना
इसरे सच्चे सपाही ।

असें हिन्दू भी हे मुसलमान भी हे सिख भी कन्ने ईसाई ।
सभी धर्मा रे हुन्दे भी सारे पहले हे भारती भाई ॥

लगी जातरा

लगी जातरा मण्डी नगरा म्हारे ।

आए द्यो—देवी सारे—लगी जातरा ॥

चोहटे बज्यारा री रौणक देखी, धूमी फिरी देखी सेरी ।

रज्जी-2 ने मास खाधा, लूचियां खाधी भतेरीं ॥

लगी जातरा

भूतनाथा रे दर्शन किते, टारना जाई के जागरा ।

माधोराये री जलेब देखी खेल्हाँ पाडला रे पाधरा ॥

लगी जातरा

नवें जमाने री जातरा लगी पुराणी केथी टोलूं ।

बैल बौटमा रे चाओ जागे भूली गये हुण चोलू ॥

लगी जातरा मण्डी नगरा म्हारे,

आए द्यो—देवी सारे—लगी जातरा ॥

मारकण्डा रे मेले जो

मारकण्डा रे मेले जो
असां जाई लैणा, तीरथ न्हाई लैणा ।
होर करी लैणी दावियां री सैर लो ॥
मारकण्डा रे मेले जो

चैत ता मुकी गया आया बसोआ,
खाणे जो लई आया बैर लो
मारकण्डा रे मेले जो

हरी-हरी कणका री हरी भरी डोहरियां,
धूमी फिरी कटणी दपैहर लो,
मारकण्डा रे मेले जो

भाऊए रे जमणे री सुखणा चढ़ाई के,
सँझा जो आई जाणा शैहर लो
मारकण्डा रे मेले जो

असां जाई लैणा—तीरथ न्हाई लैणा
होर करी लैणी दावियां री सैर लो
मारकण्डा रे मेले जो

शिमले री पैड़ियाँ

लोही कोही मुकदी नी शिमले री पैड़ियाँ,
हाडकू रा हुई गया नास, हांडी-2 सुकी गया मास ।

डेरे रिया टोला हाऊँ अनाडेल पुजेया,
ल्वाही क्वाही, लोही कोही गिटा मेरा सुजेया ।
पसीने रे घरैओलेया ने सूट सारा सिजेया,
डेरे री ही छाडी दिती आस—हांडी-2 सुकी गया मास ।
लोही कोही

टोली-टोली डेरा मिजो टुटीकण्डी मिलेया
डेरा क्या मिलेया मन मेरा खिलेया
उपरा जो कोहंदे साह इहां फुलेया
जीणे री नी रैहंदी जिहां आस—हांडी-2 सुकी गया मास
लोही कोही

चक्करा रे चक्करा च चक्कर लगाया
पाधरिया सड़का रा डेरा हथ आया
म्हीने रा जे सुणेया पंज सौ कराया
मुकी गई भूख होर प्यास—हांडी-2 सुकी गया मास
लोही कोही

बड्डेया रा शिमला तिन्हा जोही भाया,
इहां ही गरीबां रा मखौल उड़ाया ,
न पेट इत्थी भरदा न पुगदा कराया,
किहां पूरा हुणा गरम लवास —हांडी-2 सुकी गया मास
लोही कोही

किस रीस करनी

किस चन्दे री चानणी री रीस करनी
जुग मुकी गये पर ये नी मुकदी
किस चन्दे री चानणी री रीस करनी ...

कित्थी गया न्हेरा जे था असां जो डरांदा
आज पूरा चन्द किहां सूले सूले आअोंदा
नखरे ने आअोंदा
जुग मुकी गये पर ये नी मुकदी
किस चन्दे री चानणी री रीस करनी ...

एकी चन्दा अगगे सारी दुनियां रा न्हेरा,
अंगणा च सभी रे ये लाई जांदा फेरा,
मक्वाई जांदा न्हेरा ।
जुग मुकी गये पर ये नी मुकदी,
किस चन्दे री चानणी री रीस करनी ...।

खिली गई लो चानणी

खिली गई लो चानणी पारलिया धारा
याद किसी जो मेरी है नी आऊँदी ।

हाखियां भी मेरी थकी गई तिज्जो भाली ने,
दिलड़ू भी मेरा स्वाह किता तैं जाली ने ।
तिज्जो याद करी भूली दिता जग सारा,
याद किसी जो मेरी है नी आऊँदी ।
खिली गई लो चानणी

केड़ा ए भलेखा हुआ, केढ़ी चाल बाजी,
जिन्दड़ी नभाणे जो हुणा नी था राजी ।
चानणी भी जाई के आई लो दबारा,
याद किसी जो मेरी है नी आऊँदी ।
खिली गई लो चानणी

ओ हौलदारा

सादे कपड़े पहनी घरे आयां, मेरी गलां जो भुली मत जायां ।
न्याणेआ जो डर लगदा—ओ बालका जो डर लगदा ॥
ओ हौलदारा

इक-इक घड़ी जिहां बरसा री लगदी,
सारा दिन काटना भारी लगदा ।
बुरी तेरी गलां जो छुरी जिहां चुभदी,
ढासियां ने किहां मेरा ज्यू जलदा ।
देखी लै तमाशा अप्पू घरे आई के—अप्पू आई के
पर आऊँदी बारी भूली मत जायां,
सादे कपड़े पहनी घरे आयां ।
न्याणेआ जो डर लगदा — ओ बालका जो डर ...

चाहँदी भुलाणा तिज्जो कम्मा च पई के,
पर तू नी भुलदा, ज्यू जलदा ।
रोई—रोई अँभुआ री भड़ी लगी जांदी,
दिला रिया हाखिआ च तू पलदा ।
सौह तेरी देखी लै तू अप्पू आई के—अप्पू आई के,
पर आऊँदी बारी भुली मत जायां,
सादे कपड़े पहनी घरे आयां ।
न्याणेआं जो डर लगदा—ओ बालका जो डर लगदा ।

ओ मनेजरा

मण्डिया ते कांगड़े जो जाणा ओ मनेजरा
मोटरा रा नम्बर तू दसी दे ।
ड्रैवरा री हुंदी हाऊं ता लाड़ी ओ मनेजरा
अरज भी सुण मेरी हसी के ॥

जाणे ते पहले मेरी गल ही से सुणी लें,
मेरे ड्रैवरा री कच्ची नौकरी ही सुणी लें
उमर होए तेरी दूणी ओ मनेजरा
कच्ची नौकरी जो पक्की करी दे

ड्रैवर हा मेरा मानदार ओ मनेजरा
टांके रा नी करदा कारोबार ओ मनेजरा,
मोटर चलांदा मन लाई ओ मनेजरा
कच्ची नौकरी जो पक्की करी दे ।

गलां मेरी सुणी के बुरा देख्याँ मनदा
तेरे ही बनाणे ते काम म्हारा बणदा,
जुग-जुग जीवे तेरे लाल ओ मनेजरा
कच्ची नौकरी जो पक्की करी दे ।
मण्डिया ते कांगड़े जो ॥

मेरेया भादरा

न्यहारी 2 राती काली काली राती
तेरी याद सतांदी ओ मेरेया भादरा ...

भुली दिता दुख सुख भुलेया नी तू मोया,
केढ़ी रोई बिलखी सुणेया नी तू मोया ।
केढ़ा हूँघा घर तेरा कुण हूँघा जी साथी
हाखी आंभू वरसांदी जधी याद तेरी आआंदी
ओ मेरेया भादरा ।
न्यहारी-2 राती ...

घड़ी ये जुदाईया री मुकणे नी आआंदी
सुपणे च किहां देखूं निदर नी आआंदी
बुरा ये बछोड़ा, जुदा होया जोड़ा
नाड़ी-2 करलांदी, जधी याद तेरी आआंदी
ओ मेरेया भादरा ।

न्यहारी-2 राती, काली काली राती ।
तेरी याद सतांदी ओ मेरेया भादरा ॥

उचिए चीले मुईये

ओ उचिए चीले मुईये
भुकी-2 जांदी तू, नपी नपी जांदी तू,
किधी जो लगीरी भुकणे
ओ उचिए चीले मुईये

नीवें रहणे वालेयां जो,
होर दबी देंदे लोक ।
धीनगी री गल इथी
जाणदे नी कोई लोक ।
ओ उचिए चीले मुईये

किस जो सुण्वांदी गल
आपणे ज्यूए री ।
लगदी सख्वाली पीड़
सभी जो दूए री ।
ओ उचिए चीले मुईये हो

देखणी नल्वाड़ी

रज्जी कन्ने देखणी नल्वाड़ी,
बलासपुरा री — रज्जी कन्ने देखणी नल्वाड़ी ।

नीलू होर गोरू सौगी नेणे
मूल खरा मिलघा ता बेची भी देणे
भूटणे हण्डोले सौ वारी
बलासपुरा री — रज्जी कन्ने देखणी नल्वाड़ी

शैहर देखणे रा चाम्रो चुकाणा
बड्डे 2 होटलाँ च मास भत खाणा
धौलरे भी जाणा इक बारी
बलासपुरा री — रज्जी कन्ने देखणी नल्वाड़ी

शैहर नवां पर लोक पुराणे
पुराणे घरा रे बछोड़े से जाणे
बड़ी कुर्बानी इन्हा री
बलासपुरा री — रज्जी कन्ने देखणी नल्वाड़ी ।

सेहरा

सेहरा तेरा गुलनार लाड़ेया
चन्द होर तारे मढ़ी दिते गांधीए
सेहरा तेरा गुलनार लाड़ेया

काजल ता बाहेया तेरी हाखी भाभिए
हाथा बे नलेर कटार लाड़ेया
चाँदीए रा बरक लगाया गांधीए
सेहरा तेरा गुलनार लाड़ेया ...

संग बराती चले नच्ची गाईके
परखदी हाखियां हज़ार लाड़ेया ।
रूकमण ल्यौणी आज तुध ब्याही के,
रूप तेरा कृष्ण मुरार लाड़ेया ॥

सेहरा तेरा गुलनार लाड़ेया
चन्द होर तारे मढ़ी दिते गांधीए
सेहरा तेरा गुलनार लाड़ेया.....

परिवार नियोजन

मर्द—किथी पाणी बड्डी फौज, भुली जाणी सारी मौज,
फेरी स्यापेयां रे पई जाणे डेरे हो ।

मुईये एक दो बालक भतेरे हो ॥

एकी री कमाईया जो दस हुँधे खाणे वाले,
एक आधा खरा हुणा, होर हुणे रुआणे वाले ।

खर्च पूरा देआ तुसे आसा जो जमाणे वाले ॥

अँभुआ रे लाणे तिन्हा सेहरे हो ।

एक दो बालक भतेरे हो ॥

बड्हा हुँघा टब्बर ता रोटी भी नी पौणी,
बालू री ता गल छड तिल्ली केते ल्यौणी ।

ना सूट तुजो बणना ना पोलड़ी हे औणी ॥

सहूकार फिरने चफेरे हो ।

एक दो बालक भतेरे हो ॥

एक दो बालका ने आपणा भी भला हा ,

बालका रा भला कन्ने देशा रा भी भला हा ।

मेरे खा भी देख कमाणे वाला हाऊँ कल्हा हा ॥

गत्ती रा हो एक दूर करी देंदा न्हेरे हो ।

एक दो बालक भतेरे हो ॥

औरत—सच बोल्या तुसें खोलही दीती मेरी हाखियां,

हसी हसी कने पीड़ लगी मेरी बखियां ।

अक्ला री गलां पर तुसे केते सीखीयां ॥

तुसा सांही ख्याल हुण मेरे हो ।

बस एक दो बालक भतेरे हो ॥

कालजुए पीड़ लगदी

ठण्डा पाणी किहां पीणा नालू रा, मेरे कालजुए पीड़ लगदी ।
केजो रज्जी ने सुणाऊँ ज्यूआ री, बस्स इत्थी मेरी है नी चलदी ॥
ठण्डा पाणी किहां पीणा नालू रा

नंगे - नंगे पैर होर् कंडेया रो बाटा
कधी जांदी डंगर्या ने, कधी जांदी घाटा, ल्यौंदी आटा
एढ़ा हूँदा जीणा दूए वसा रा
जे जाणदी ता ब्याह नी करदी
ठण्डा पाणी किहां पीणा

भला मेरे वापुआ खरी तैनी कीती
पाली मतेईये, सौके ब्याही दिती—बुरी किती
कुण जाणे हुण पीड़ दूए री
सै ही जाणे जिस जो ये लगदी
ठण्डा पाणी किहां पीणा ...

ब्याह करी के मेरी हुई बराबादी
खसम जे मिलेया से मिलेया शराबी—बड़ा क्वावी
कुण जाणे हुण लगी ज्यूआ री
जाणे से ही जिस जो ये लगदी
ठण्डा पाणी किहां पीणा नालू रा
मेरे कालजुए पीड़ लगदी ।

गंगी

तू ता सुपणे च रोज आआंदी
बैरन हाखी आपणी
जेदी पल-2 खुली लो जांदी

इन्हा हाखियां जो दोष क्या देणा
न्ह्यालप इन्हा जो लगुरी
कधी मिली कने दुखड़ा रोणा

रोई-2 मुकी जाणी जिन्दड़ी
ध्याड़ियां रा चैन मुकेया
राती दूर-2 रेंहदी निन्दड़ी

मेरा दूर ठकाणा हुई गया
जिस्मा रा मोह छडी दे
मेरा दिल हुण तेरा हुई गया

किहां भुलणी से गल्लां मिठियां
उमरां रे बाएदे थे तेरे
हुण लिखी भी नी जांदी चिट्ठियां

तेरी बातें हुण सुणी नी जांदी
जिहां तिहां कटी लो देणी
जिन्द, मौत भी मिंजो नी आँआंदी

भजन

तू ता राधा कन्ने खेली होली
कृष्ण मुरारी
कोई ता बोले तिज्जो चोरटू कान्हा
कोई बोले गिरधारी
तू ता राधा कन्ने

बिन्दाबणा तैं गाइयां चराई,
ग्वालुआँ कन्ने खूब रास रचाई,
बँसी री धुन प्यारी,
तू ता राधा कन्ने खेली होली,

कृष्ण मुरारी

दुर्योधना रा भूठा मान मक्काया
साग सलूणा तैं विदुरा रा खाया
एढ़ा तू प्रेम पुज्वारी
तू ता राधा कन्ने खेली होली

कृष्ण मुरारी ...

साथ सुदामा रा तैं दीता
द्रोपदी रा किहां मान तैं किता
भक्तां री बेड़ी तैं तारी
तू ता राधा कन्ने खेली होली

कृष्ण मुरारी ..

भारत प्यारा

सभी मुल्खां ते बांका हा म्हारा भारत देश प्यारा ।

छेहां ऋतुआं रा संगम इथी कुदरता रा बधिया नजारा ॥

(i) भूठ नी थी से गल, थे बोलदे
भारत सोएने री चिड़िया
वीर शिवाजी री धरती ए ही
जिन्हे लंघी सुरगा री सिढ़ियां
सौंह राणा प्रतापा री, किता था
घाह री रोटी ने गुज्वारा
सभी मुल्खां ते बांका हा म्हारा भारत देश प्यारा ॥

(ii) ए भी सच था म्हारे मुल्खा च
बैहदी थी दूधा री नदियां
वीर जवान भी घट नी होए
गवाह ही बीती सदियां
देशा री अज़ादी खातर जिन्हे
बहाई थी खूना री धारा ।
सभी मुल्खां ते बांका हा म्हारा भारत देश प्यारा ॥

(iii) म्हारे हिस्से रा कम हा मुश्कल
करना अजादिया रा पैहरा
देश द्रोहियां रा ब्यू नी छडणा
टोली ने गावां होर शैहरा
मिली ने रैहणा कम्म असांरा
एही धर्म हा म्हारा ।
सभी मुल्कां ते बांका हा म्हारा भारत देश प्यारा ॥

स्यों कसमा

किथी गई स्यों कसमा सारी किथी गये स्यों वायदे ।
बोल्हाएँ थे मुख ता सुरग बनाणा रखे थे एढ़े इरादे ॥

रख थे एढ़े इरादे
देशा जो खूब उज्जे लई जाणा ।
विजली रे लसाके ने मुख चमकाणा
जिहां सुहागणी जो बालू पन्यहाणा ।

जिहां सुहागणी जो बालू पन्यहाणा
होर घर घर हुणे कारखाने ।
नाजा री कमी नी रहणी कधी
भुली जाणे नकाला रे जमाने ।

पर एभे क्या लगीरा हुंदा इथी
फसला जो बाड़ लगे खांदे ।
आपणे हे घरा सिजी री चीजां जो
आपु ही लगीरे ग्वाँदे ।

चीजाँ लगीरे फुकदे किथी
लगीरी मार कटवाई ।
पढ़ी लिखी ने भी भुली गए
किहां रेंहदे भाई भाई ।

मुख हा म्हारा दुनियाँ ते न्यारा
इस री शान बढ़ाणी ।
छोटी मोटी गल्लां सारी
बैठी ने आसां मक्काणी ।

पखेरूए भरी चागा

छैल हे म्हारे डाल होर बूटे छैल ही म्हारी बागा
ठण्डी वागर चलदी इथी पखेरूए भरी चागा
छैल हे म्हारे

- (i) ह्युआँ री भरी धारां इथी बेंहदे डूघे दरयाओ
देवदारा रे बण हे घणे देखी के लगदा चाओ
रोहतांगा ते व्यासा चलदी लाहोला चन्द्रभागा
ठण्डी वागर चलदी इथी पखेरूए भरी चागा
छैल हे म्हारे
- (ii) रेणुका माई री भील ही बाँकी
रवालसर धजा धारी
म्हारे हिमाचला री रीस नी कोई
सभ जघाह ही न्यारी
नाटी ता गिद्धे रा नौखा नजारा पौंदा नी कोई नागा
ठण्डी वागर चलदी इथी पखेरूए भरी चागा
छैल हे म्हारे
- (iii) मन्दर देखी ने मन नी भरदा
फलां री नौखी भूमी
सरगा जो छुन्दी उचियाँ धारां
नीले दरयावे चूमी
जित्थी देखो नचणा गाणा ढोला रा ढमाका लागा
ठण्डी वागर चलदी इथी, पखेरूए भरी चागा ॥
छैल हे म्हारे

नीले पाणिए री झीले

(जल मग्न विलासपुर शहर)

नीले पाणिए री भीले
कई बिछड़े कई मिले

तेरी नौखी कहाणी
तेरा बड्डा डूघा पाणी ।

- (i) हाखियां रे अंभू अंभें छम-छम रोंदे,
सांढू होर गोहरे री यादां संजोंदे,
नवें टौना बसी ने भी पुराणे जो रोंदे,
आपणे ही साम्हणे आपणी कहाणी ।
तेरी नौखी कहाणी, तेरा बड्डा डूघा पाणी ॥
- (ii) खातर तेरे तां असां जो डबोया,
बजुर्गा रा सिंजुरा बाग असें खोया,
असां ने जे होया एढ़ा किसी ने नी होया,
रोई - रोई हुण तेरी गीतियां ही गाणी ।
तेरी नौखी कहाणी, तेरा बड्डा डूघा पाणी ॥
- (iii) हुण कित्थी रहे रंगनाथा रे मेले,
गासियां रो खड्डु पंजरुखिया रे केले,
सैरा रे बहाने दंदयूटिया रे फेरे,
मुकी सारी गलां हुण यादां ही आवणी ।
तेरी नौखी कहाणी, तेरा बड्डा डूघा पाणी ॥

बरसात लगुरी

कधी धुप्प कधी टल्ला बदला रा चढूरा ।
इसे कुदरते भी क्या ये नजारा घड़ूरा ॥

मुके गरमी रे ध्याड़े बरसात लगुरी,
हरी छल्लियां रे दाणेयां री आस लगुरी,
जित्थी देखो करसाणिया री कायेंस लगुरी,
कद्दू कक्कड़ी घंडोली रा सलूणा चढूरा ।

इसे कुदरते भी क्या ए नजारा घड़ूरा ॥

रेंहदी नन्द बरसातिया च त्यहार मनाणे री,
रेंहदी नन्द खूब पींघा रे राग गाणे री,
रेंहदी नन्द खूब भुज्जी होर पतेहड़ू खाणे रो,
औणी सैर हुण धाना रा बूटा भरूरा ।

इसे कुदरते भी क्या ये नजारा घड़ूरा ॥

इसा बरसाता च रेंहंदे सारे खूब डरी के,
कीड़े गुज्जुआं रा डर हुंदा खूब करी के,
कोई लंघदा सन्हाईया ने ता कोई तरी के,
खड्डे रुढ़वाईता कोई हा कनारे खढूरा ।

इसे कुदरते भी क्या ए नजारा घड़ूरा ॥

म्हारे मुलखा च बरसाता रा रंग न्यारा हा,
चहुं पासे जित्थी देखो सभ हरा भरा हा,
नाज देणे वाला मौसम ए सभी ते प्यारा हा,
इस नाजा रे हे आसरे संसार पलूरा ।

इसे कुदरते भी क्या ए नजारा घड़ूरा ॥

तेरा बछोड़ा

तेरा बछोड़ा किहां करी सैहणा ।
जिहां तिहां सैहणा किसी ने नी कैहणा ॥

- (i) पल पल यादां तेरी आवांदी रैहदी,
अँभुआँ री भड़ी वरसांदी रैहदी ।
दुखड़ा ज्यूए रा किहां करी सैहणा,
जिहां तिहां सैहणा किसी ने नी कैहणा ॥
- (ii) बाट तेरी देखी-देखी हाखियाँ भी हारी,
रोई-रोई दिन कन्ने रातियाँ गुजारी ।
मेरे हाणिया तेरे बिना किहाँ रैहणा,
जिहां तिहां रैहणा किसी ने नी कैहणा ॥
- (iii) भुली गईयाँ हुण से मिलणे री रातां ,
चानणी री छावाँ हेठ हृन्दियां थी बातां ।
साता जन्मा तक न्हालदे ही रैहणा,
जिहां तिहां रैहणा किसी ने नी कैहणा ॥

तेरा बिछोड़ा किहां करी सैहणा ।
जिहां तिहां सैहणा किसी ने नी कैहणा ॥

इन्तजार अड़िए

तेरे आओणे रा नी हुण इन्तजार अड़िए ।
तू ता सस्ते च भूली दिता प्यार अड़िए ॥

सौखा लगाणा दिल, कठण नभाणा,
किधी जो था तुध ये, खेल रचाणा ।
केढ़ी कसमा थी खाधी बेसमार अड़िए ,
तू ता सस्ते च भूली दिता प्यार अड़िए ॥

दुनियां री रीत नभाणी ही पौंदी ,
सच्ची वातां भूट्टी भी जताणी ही पौंदी ।
हुण दूए जन्मा रा करार अड़िए ,
तू ता सस्ते च भूली दिता प्यार अड़िए ॥

भूली ने भी मेरा किधी जिकर नी करना ,
मेरा हाल जेढ़ा हुँधा कधी फिकर नी करना ।
दुःख होवे मिंजो, खुशी तेरे द्वार अड़िए ,
तू ता सस्ते च भूली दिता प्यार अड़िए ॥

मैं मेले जो किहां जाणा

मेरे चादरू जो किंगरी लगवाई दे
मिजो नवां जे सूट स्याई दे
मैं मेले जो किहां जाणा ।

मेरे चादरू जो किंगरी

सौकण मेरी टोके लांदी,
कन्ना च कांटे तू कैहं नी पांदी ।
मेरे कन्ना जो कांटे तू ल्याई दे,

मिजो नवां जे सूट स्याई दे...
मैं मेले जो किहां जाणा

नणद मेरी गलां लांदी
पैरे पंजेव तू कैहं नी पांदी ।
मेरे पैरे पंजेव पन्हाई दे

मिजो नवां जे सूट स्याई दे ।
मैं मेले जो किहां जाणा

साथण मेरी तान्हे देंदी
खसमा ते गैहणे तू कैहं नी लैंदी
मिजो सारे लो गैहणे घड़ाई दे

मिजो नवां जे सूट स्याई दे
मैं मेले जो किहां जाणा
मेरे चादरू जो किंगरी लगवाई दे

गजल

बाज आए असें हुण दोस्ती तम्हारीया ते ।
न्यहाली-2 डर लगेया हुण राती न्यहारीया ते ॥

सरगा री छांवां थल्ले तिज्जो याद करी के,
बदलां रा सारा पाणी हाखियां च भरी के ।
हर पल देखदी तेरी बाट पहाड़िया ते,
न्यहाली-2 डर लगेया हुण राती न्यहारीया ते ।

तिजो ता भुलवाणा हुण गल नी ही बसारी,
हीर रांभे वाकी हुण हालत ही असांरी ।
किहां छुटकारा पाईये दिला री बमारीया ते,
न्यहाली-2 डर लगेया हुण राती न्यहारीया ते ॥

बाज आए असें हुण दोस्ती तम्हारीया ते ।
न्यहाली-2 डर लगेया हुण राती न्यहारीया ते ॥

गजल

कास जो थी किती तें गल्लां मिठी मिठियां ।
दिल ही था तोड़ना ता लिखी कैह थी चिट्ठियां ॥

धोखा कैह तू किता मिजो ज्यूदां मारी दिता,
सुपने में देखी तेरे, जग हारी दिता ।
मानदारिया रे बट्टे तें बेईमानी कितियां,
दिल ही था तोड़ना ता लिखी कैह थी चिट्ठियां ।

छड मेरी गल मेरा फिकर नी करना,
भूली ने भी याद अँधी अँभू तै नी भरना ।
डूबदे सूरजा री पूजा किने कधी कितियां ,
दिल ही था तोड़ना ता लिखी कैह थी चिट्ठियाँ ।

कास जो थी किती तें गल्लाँ मिठी मिठियां ।
दिल ही था तोड़ना ता लिखी कैह थी चिट्ठियां ॥

लोरी

सई जा मुन्नुआ — सई जा माँउआँ,
चन्दे मामे रीया छाँवां ।
सई जा

घीऊ भी देणा

दूधू भी देणा

मिठ्ठू भी तिज्जो खुलावाँ — चन्दे मामे रीया छावाँ ।

मुन्तू असां रा

सभी जो प्यारा

मामे नाने री

हाखी रा तारा

सुखना मैं तेरी चढ़ावाँ — चन्दे मामे रीया छावाँ ।

बापू जे तेरा

कम्मा जो गऊरा

मिजो भी करने जो

कम्म हा पऊरा

लोरी मैं तिज्जो सुणावाँ — चन्दे मामे रीया छावाँ ।

मेरे हाणियां

नीले-2 सरगा च भीड़ तारेयां री ।

एढ़ी बेला इक घड़ी आयां ओ मेरे हाणियां ॥

भरीया जवानियाँ च कल्ही छड्डी गया तू,

दिल लाई कने मिंजो रोंदी छड्डी गया तू ।

हाखी मेरी सोखणी तेरे लारेयाँ री,

एढ़ी बेला इक घड़ी आयां ओ मेरे हाणियां ।

नीले-2 सरगा च

पता नी हां तिज्जो केढ़ी हालत ही दिला री,

डालियां ते लग जिहां कदर नी फूला री ।

किस जो सुणवाऊँ है नी आस ढीरेयां री,

एढ़ी बेला इक घड़ी आयां ओ मेरे हाणियां ।

नीले 2 सरगा च भीड़ तारेयां री ।

एढ़ी बेला इक घड़ी आयां ओ मेरे हाणियां ॥

ठुमरी

जिंदे नमाणिए मेरीए
तू आज मत रोंदी ।
किसी जो याद नी तेरी
उदास मत होंदी ॥
जिंदे नमाणिये मेरीए

पीणा बुरा नी हुंदा, बुरे से
जे खून दूजे रा पींदे ।
मरना बेहतर उस जीणे ते
जेहड़े आपणी खातर जींदे ॥
जिंदे नमाणिए मेरीए

दिल लाई ने चैन गंवाया
हुण आँभू गमा रे पींदे ।
टोके लांदे अपणे बगाने
पर जखम नी कोई सींदे ॥
जिंदे नमाणिए मेरीए

यादां तरसांदी

तौंदिया री धुप्पाँ बरसाती दीयाँ रातियाँ
तुध बिन कटणी मुश्कल जाँदी
भुली ने तूनी भुलदी पई जाँदी गसियाँ
हुई तू बगानी पर दिला ते नी जाँदी
तौंदिया री धुप्पाँ — —

पीपला रा टयाला होर अम्बिया री पीघाँ
याद करी करी हुण कुण कीहाँ जीघा
डंगरेया री वाटाँ तेरी यादाँ दलांदो
हुई तू बगानी पर दिला ते नी जाँदी
तौंदियाँ री धुप्पाँ — —

हुन्दा क्या बछोड़ा मैं ता अंझुए ने लिखेया
किसी जो भुलाणा किहाँ किसते तें सिखेया
सारी तेरी कसमा नोची नोची खाँदी
हुई तू बगानी पर दिलाँ ते नी जाँदी
तौंदिया री धुप्पाँ — —

सुपने नी सच्चे हुन्दे हुण मैं ये जाणेया
कागजा रे फुलाँ रा रंग मैं पछ्याणेया
हुण क्या मलेखा तेरी यादाँ तरसाँदी
हुई तू बगानी पर दिला ते नी जाँदी
तौंदिया री धुप्पाँ — —

विदाई

व्याही दिती परदेस दर तेरा छडणा पया
वापू मेरेया — दर तेरा छडणा पया ।
चली मैं बगानड़े देस घर तेरा छडणा पया
अम्मा मेरीये — घर तेरा छडणा पया ॥

आँगण तेरे मैं खेल्हाँ पाईयाँ
साथणिया कन्ने खूब पींघा गाईयाँ,
गुड्डे गुड्डियाँ रे व्याह रचाई ने,
आपणा भी बदलेया भेष
घर तेरा छडणा पया ॥

मत रोंदा वीरा मेरे, भैणा री खातर,
भैणा ता हुन्दियाँ भेजणे री खातर,
रखड़ी री लाज छड्डी तेरे हवाले,
हाऊँ ता चली परदेश दर तेरा छडणा पया ॥

लई चले वापुआ मुख पराये,
ढोल नगाड़ेया ने मिजो नेणे आये,
अँभू मत भरदी अम्मा जी तू मेरोए,
वेटी तेरी चली परदेस ।
घर तेरा छडणा पया ॥

अँझू कित्ते आये

सोखणिया हाखियाँ च अँझू कित्ते आए ।
जितना संभालूँ मोये बगी बगी जाए ॥

तारे गिणी गिणी भी ता बगत नी कटदा,
तेरा परछाँवा मेरे अग्रे ते नी हटदा,
जितना भुलवाऊँ पर होर याद आए ।
सोखणियाँ

तान्हेया री भड़ी हुन्दी टोकेयाँ री वरखा,
याद करी करी तिज्जो मन हुन्दा गरका,
मुख बगाना हुए आपणे पराए ।
सोखणियाँ

भाग हे आपणे मिलणा से मिलणा,
दुखड़ा ज्यूआ रा किहाँ सिलणा ता सिलणा,
बिछड़ी गये ज्यों थे दिला च वसाए ।

सोखणिया हाखियाँ च अँझू कित्ते आए ।
जितना संभालूँ मोये बगी बगी जाए ॥

जै मैय्या टारना

जै मैय्या टारना मण्डी तेरे चरना ।
भक्तां रा बेड़ा मैय्या तुध पार करना ।

उच्चे जे पहाड़ा माता भवन हा तेरा,
दर्शन करने जो पांदि सभ फेरा,
सभणी रा दुःख मैय्या तुध दूर करना ।
जै मैय्या टारना मण्डी तेरे चरना ॥

एक एक पैड़ी तेरा नांव लई चढ़दे,
आपणे सुखा जो रोंदि तेरे द्वार पड़दे,
भक्तां रा दुःख माता तुध हुण हरना ।
जै मैय्या टारना मण्डी तेरे चरना ॥

दूरा दूरा ते मैय्या जातरू जे आओंदे,
सुखना रे फूल तेरे चरना चढ़ाँदे,
तेरे आसरे माता जीणा होर मरना ।
जै मैय्या टारना मण्डी तेरे चरना ॥

भक्तां रा बेड़ा मैय्या तुध पार करना ।
जै मैय्या टारना मण्डी तेरे चरना ॥

बाँका जीणा हिमाचला रा

इत्थी भर भर भरने बेंहदे,
इत्थी लोक मिली जुली रेंहदे,
इत्थी फिकर नी किसी गला रा ।
बाँका जीणा हिमाचला रा ॥

घणे घणे वण इत्थी
हरी भरी डोहरियाँ,
कैल चील द्योदार
गाई जाँदे लोरियाँ,
इत्थी शोभला नजारा झीला रा ।
बाँका जीणा हिमाचला रा ॥

उचे उचे जोत इत्थी
डूधी डूधी नदियाँ,
विजली वणाई ने
पत्नी जाणी सदियाँ,
इत्थी जघा जघा वाग फला रा ।
बाँका जीणा हिमाचला रा ॥

भारत देशा रा ताज हिमाचल,
नजराँ च सभीरे आज हिमाचल,
इत्थी घाटा नी हा किसी गला रा ।
बाँका जीणा हिमाचला रा ॥

इत्थी झर झर

मुकी जाणी जिन्दड़ी

आस नी मुकदी मुकी जाणी जिन्दड़ी ।
किसी जो नी पता कित्थी रूकी जाणी जिन्दड़ी ॥
आस नी मुकदी...

वडो वडी मेदां करी बाग लगांदे,
खून पसीने कने इस जो सजांदे,
सच भूठ बोली ने टाहलू जोड़ी जोड़ी ने,
भूली जांदे किस जो ताणी वाणी खिन्दड़ी ।
आस नी मुकदी... ॥

सिखर दपैहरे कधी चैन नी पाई,
काल के ध्याड़े री आस लगाई,
काल किन्ने देखेया काले तू मड़ेकया,
हंस उड़्यी गया आज एड़ी आई निन्दड़ी ।
आस नी मुकदी... ॥

भूठी मोहमाये भोया एढ़ा तू भरेलेया
आपणी ही ममते एढ़ा तू सखेलेया,
खरा काम करना नी जिहाँ कधी मरना नी,
मेरा मेरी करदे लहूखी जाणी जिन्दड़ी ।
आस नी मुकदी... ॥

आई गया होश छोरीए

साथण - बड्डी बुरी लत हुँदी पीणे री, शराब मत पींदा छोरुआ ।
जे लैणी नन्द तुध जीणे री, शराब मत पींदा छोरुआ ॥

साथी - मैं ता पी लैणी गज्जी-2 के, मिजो मत रोक छोरीए ।
मैं ता जी लैणा गज्जी-2 के, मिजो मत टोक छोरीए ॥

साथण - हुन्दी नवाही शरावा री बमारिया ते,
उजड़े करोड़ाँ इमा डल्लता नकारिया ते ।

साथी - जीणा मुश्कल शराब छड्डी के, मिजो मत रोक छोरीए ।
मैं ता जी लैणा गज्जी-2 के, मिजो मत टोक छोरीए ॥

साथण - दबे गवाई के कहू तू खून स्कौंदा,
तेरा बापू तिज्जो देखी कर्मा जो रौंदा ,

साथी - मेरे कर्मा च पीणी रज्जी के, मिजो मत रोक छोरीए ।
मैं ता जी लैणा गज्जी-2 के, मिजो मत टोक छोरीए ॥

साथण - जे तुध जिह करनी ता इक गल सुणी लै,
नशा तैं नी छडणा ता होर कुड़ी चुणी लै,

साथी - मत जांदी मुईये मिजो छड्डी के,
छड्या नशा आया होश छोरीए ।

दम्भू कावजा मैं तिज्जो कही के,
भेज्या नशा परलोक छोरीए ॥

साथण - शराब मत पींदा छोरुआ...

साथी - आई गया होश छोरीए... ..

टेपे अँभुआँ रे

टेपे अँभुआँ रे इहाँही ना डोलदी मुईये ।
कित्थी औखत तू इन्हारी टोलदी मुईये ॥

तेरी हाखियाँ च घर मेरे दिलड़ुए रा ,
मत अँभुआँ ने दिल मेरा रोलदी मुईये ।

मेरा ज्यू तेरे प्यारा ते सोखणा रह्या,
कँह नी इस जो तू अँभुआँ च घोलदी मुईये ।

तेरे नैणा री ओउआँ री छावाँ पलदा,
मेरा दिल, कित्थी इस जो तू टोलदी मुईये ।

जधी भुली ने भमाका तिज्जो मेरा दिसघा,
मत हाखड़ु जो फेरी कधी खोलदी मुईये ।

टेपे अँभुआँ रे इहाँही ना डोलदी मुईये ।
कित्थी औखत तू इन्हारी टोलदी मुईये ॥



चार दिन जिंदगी रे हासी खेल्ही कटणे
दिला रे मलेखे असां दूर जाई सटणे



अच्छर सिंह परमार

दूसरा भाग
(पृष्ठ 43 से 83 तक)

आसारा हिमाचल

आसा रे हिमाचला रो शान निराली ।

देओ देवी देन्दे घरा घरा खुशहाली ॥

व्यास मनु मारकण्ड ऋषियं रो प्यारी,
रांझू भुंकू कुंजुए री गलां प्यारी प्यारी,
भादराँ रे हौसले भी सत्र लोक जाणदे,
इन्हा रीआ भादरी जो बैरी पछ्याणदे,
हर एक एथी एस बागा रा है माली ।
देओ देवी देन्दे घरा घरा खुशहाली ॥

मण्डी कुल्लु घुमी कने पुजणा मनाली,
ढोल बाजे कने जिथी नच्चे डाली डाली,
झुरी गंगी गाणी कने नाचणियां नाटियां,
हासी नाची काटणियाँ काली-2 रातियां,
प्यार परेमा ते नी है कोई खाली ।
देओ देवी देन्दे घरा घरा खुशहाली ॥

चम्बे रा चौगान जित्ते मिजरा लगोरी,
छम छम छम गोरी मेले जो चलोरी,
सेउआं रे वगीचे जड़ी वूटी रे खजाने,
इसा धरती जो मिले बड्डे नजराने,
फुलां री परात कधी हुणी नी ये खाली ।
देओ देवी देन्दे घरा घरा खुशहाली ॥

किन्नर कैलाश होर जोत धौली धारा रे,
नदियां सनेहे देन्दी बिजली रो ताराँ रे,
गभरू सजीले इथी छैल वांकी गोरियां,
ठण्डी ठण्डी पौण गान्दी मीठी-2 लोरियां,
दूरां तक हाखी—अगे छाई हरयाली ।
देओ देवी देन्दे घरा घरा खुशहाली ॥

झीला री सैर

चढ़ी आया पाणी देख कुंगरे ता साण्डुए,
झीला री करी लैणी सैर हाए जानी ।
झीला री करी लैणी सैर ॥

बन्दले री धारे नी तू कासो सीधी खढुरी,
नपी कने देखी लै तू झील केढ़ी भरुरी ।
चिटे चिटे बदलां रा चादरू ढखी लै ॥
लम्मा घुण्ड कढी लै
झीला री करी लैणी सैर हाय जानी ॥

झीला रे इक कण्ठे बाँका सैहर बसूरा,
चिड़ियां रे डारां कने अम्बर भी भरुरा ।
नालेआं रे नौणे आसां वेड़ियां च बैठणा ।
संभा घरें हटणा
झीला री करी लैणी सैर हाय जानी ॥

बिजली गरागड़े

बरखा री छम—छम मिजो ता डरान्दी ।
धारा री ए धुई मुई डसणे जो औन्दी ।
मा नी रैहणा कल्हे मिजो लई चल सौगी हो ॥

बिजली गरागड़े मिजो हाखी दसदे,
धारा रे यो ग्वालू मुए मिजो देखि हसदे ।
डांगर्या रा स्यापा बुरा छापरा रा चोड़ा बुरा,
लई चल सौगी मेरे मौजी हो ।
मा नी रैहणा कल्हे मिजो लई चल सौगी हो ॥

घा किहां बाढूं मिजो कीड़े गुजु डंगदे ,
नांगे पैरे जाणा जगे जगे काण्डे चुभदे ।
पाणिए रा नालू देख, पैरा रे ये छालू देख ,
लई चल सौगी मेरे फौजी हो ।
मा नी रैहणा कल्हे मिजो लई चल सौगी ओ ॥

सुफना डरौणा

माए ! मैं देख्या इक सुफना डरौणा ।
इक जोगी आया तिने झोली फलाई,
से अगे अगे वधेआ मैं पीछे हटी आई ।
छैल बांका गभरू लमे केश जटा धारी ,
हाखियां च देख्या मैं कम्बी गई सारी ॥

पैनी पैनी नजराँ ने मंगदा था भिछेआ ,
खाली हाथ थी मैं बोल्या जा ! तू किते होरती जा ।
बड़ा जिह्ला था बोले कालजा या दिल दे ,
एड़ा हुआ टूणा मेरे होठ नी थे हिलदे ॥

पैनी छुरिया ने कढ़्या कालजा मैं आपणा ,
पाया खाली झोलिया च तन हुआ सखणा ।
वगे नाल लोहुए रे हासदा था लोभी ,
मैं करलान्दी रही चली गया जोगी ॥

पता नी हां केड़ा दुख मिजो आई पीणा ।
माए ! मैं देख्या इक सुफना डरौणा ॥

शिमले री धारे

अम्बरा जो छुन्दिए तू शिमले री धारे ।
तुध कने हुन्दे म्हारे दुख सुख सारे ॥

ठण्डी ठण्डी हवा तेरे जंगलां च चलदी ,
नवीं जिन्दगानी तेरे पाणिए ते मिलदी ,
कालजु जो छुई लैन्दे वांकड़े नजारे ।
तुध कने हुन्दे म्हारे दुख सुख सारे ॥

ह्यूंदा रीया रीता तांजे तिजो सीत लगदा ,
दुधा साहीं पाटू तिजो बर्फा रा मिलदा ।
इकी लैन्दी जिसमा जो पाटू कने सारे ।
तुध कने हुन्दे म्हारे दुख सुख सारे ॥

जुग मुकी गए किते आवंदी न जान्दी तू ,
खड़ी कने गोदा बिच आसां जो खलान्दी तू ।
किहां तेरा करजा देईए आसे हारे ।
तुध कने हुन्दे म्हारे दुख सुख सारे ॥

सुण भाईया करसाणा

सुण भाईया करसाणा तेरी डोरियां च आई वहार ओ ।
मेहनत करना धर्म हा तेरा तू मत हिम्मत हार ओ ॥

तेरा खून पसीना वगदा मण मण दाणे पजदे ,
तू जे मेहनत करदा सारी दुनियां रे माहणू रजदे ,
जिसा जगा जो तू हाथ पान्दा हरे हरे खेतर सजदे ।
आईजा मिंजो सुरग वणा तू सुण मिटिया री पुकार ओ ।
मेहनत करना धर्म हा तेरा तू मत हिम्मत हार ओ ॥

तेरे हला विच इतना जोर जे चलदे ता सिउना पजान्दे ,
तेरे हाथा रे इक इक छालू नाजा रे ढेर लगान्दे ।
तेरे साथी बैल यो चलदे चलदे भी गिद्दा पान्दे ,
सावास ओ धरती रे पुतरा राजी रह साल हजार ओ ।
मेहनत करना धर्म हा तेरा तू मत हिम्मत हार ओ ॥

म्हारे बीर

म्हारे बीर हृदां पर जान लगान्दे ।
मरी मिटी कने सारे सुख देई जान्दे ॥

धन धन बीरो तुसे किती कुरवानियां ,
गोली अगे देई दिती अपणी जवानियां ।
बैरिए जो मारि कने नांव कमान्दे ,
मरी मिटी कने सारे सुख देई जान्दे ॥

तुसा साहीं भगत ता किते बनी दिसदे ,
होर ता चढ़ान्दे फुल तुसे खुन सटते ।
तुसा रे ही गुण आज पत्थर भी गान्दे ,
मरी मिटी कने सारे सुख देई जान्दे ॥

मुलखा रे खातर सव कुछ सही गै ,
भूखे प्यासे जंगलां ता कण्डेयाँ च रही लै ।
मावा रे दूधा री लाज बचान्दे ,
मरी मिटी कने सारे सुख देई जान्दे ॥

जै जगतारनी

उच्ची धारा बसदिए जै जगदम्बे ।

जै जगतारनी जै माता अम्बे ॥

जिने तेरा नांव लैया तिने सुख पाया ,

सब दुख मिटी गै जिने गुण गाया ,

तेरा नांव पार लगान्दा जगदम्बे ।

जै जगतारनी...

...॥

तेरे चरणा च माता सीस भुकान्दा मैं ,

धजा ते नरेल माता भेंट चढ़ान्दा मैं ।

मेरा कारज पूरा कर माता अम्बे ।

जै जग तारनी... ॥

तेरे चरणा रा माता आसग जे मिलेआ ,

धूडी बिच कण्डा वी ता फुल बणी खिलेआ ,

तेरी माया न्यारी माता जै जगदम्बे ।

जय जग तारनी जय माता अम्बे ॥

हासी के न टाल् गोरिए

गल्लां मेरे प्यारा रीयां ,
दिला रे करारा रीयां ।
करी लै तू करी लै सम्हाल् गोरिए ।
हासी के न टाल् गोरिए ॥

पल-पल जिन्दड़ी मुकी मुकी जाणी ,
चढ़दी जवानी फेरी हटी के नी अौणी ।
चार दिन फुल खिले फेरी माटिया च मिले,
सब कुछ खाई जान्दा काल् गोरिए ।
हासी के न टाल् गोरिए ॥

बांके तेरे होठड़ु नी दन्द चम्बे कलियां ,
गासला ही जाणे तेरी हाखी किहां बणियां ।
मैं भी छैल् गभरू नी
इक काम कर तू
प्यारा पंछी पिंजरे च पाल् गोरिए ।
हासी के न टाल् गोरिए ॥

एक भतेरा

जनमा जनमा रे मिटी जाणे न्हरे ।
इक चन्द चढी आया आँगणा च मेरे ॥

टिम टिम द्युलियाँ करदी रैहन्दी,
सूरजा रे ओचणे ते आँवदे सवेरे ।

सिम्बला रे दस फूल बास नी देन्दे ,
छैल फुल फुली गया बागाँ विच मेरे ।

पढी लिखी जाओ बस एक भतेरा ,
दुख दूर करी देणे हुण एस तेरे ।

बड्डे रौले बुरे हाल हुई जान्दे ,
कलहा पर्ई रैहन्दी संझ सवेरे ।

ये गल आज सब लोक सुणी लौ ,
बडे टबरा रे घर भुखेआँ रे डेरे ।

आए परौहणे

किस किस मुलखा ते आए परौहणै ,
ढोल ता नगारे लग्या अम्बर भी वजणे ।

रिमझिम लगियाँ बरखा री भड़ियाँ ,
खेत भरे पाणिए करसाण लग्या हासणे ।

उचे—उचे पीपल पीघां जे पईयाँ ,
सखियां सहेलियां पिघां लगी झुटणे ।

ठण्डे ठण्डे पाणी कने नाल धार न्होंदे ,
खड्डाँ लगी रूणझुण रूणझुण नचणे ।

छुटी गया दिलड़ू चढ़ेआ समाणा ,
उड़ी गया हवा कने मुलख बगाने ॥

ગઢી રોક ઓ ડલેવરા

મેરી ગલ સુણ ગઢી રોક ઓ ડલેવરા ।

માંં ભી જાણા મેલે ગઢી રોક ઓ ડલેવરા ॥

કન્ત મેરા દૂર પરદેસ મેરી જાન ઓ ,

દેઓર મેરા બૈરી તા જઠાણી બેઈમાન ઓ ।

આજ જાણા શહર ગઢી રોક ઓ ડલેવરા ॥

સૌ રપૈં રા સૂટ મેરા નથ તિન તોલે રો ,

પૈન્હણિયાં બંગાં મૌજ લૈણી હ્ણડોલે રી ।

તૂ ભી ગાયાં ગંગી ગઢી રોક ઓ ડલેવરા ॥

બ્ડોલી ધાર ઇક કણ્ડે બન્દલા ભી સજુરા ,

બિચ મ્હારા શહર વાંકા હોર મેલા લગુરા ।

ઘૌલરે ભી જાણા ગઢી રોક ઓ ડલેવરા ॥

ગિદ્દા પાણા મેલે બિચ ખાણી જલેબી ,

ઘરા જો ભી લ્યાવણી હોર દેણી તીજો ભી ।

મિંજોં મિલ્યાં મેલે ગઢી રોક ઓ ડલેવરા ॥

तेरा डेरा पुछेआ

चिड़ुआँ पखेरूआँ ते तेरा डेरा पुछेआ ।
सभी दूर दसेआ ओ बड़े दूर दसेआ ॥

सजी गई फूलां कने आरनी री डालियाँ ,
प्युली प्युली नचदियां सरूआँ री क्यारियां ।
हाड़ा रा करार था ओए देख सौण मुकेआ ,
सभी दूर दसेआ ओ बड़े दूर दसेआ ॥

बंसिया री तान सुणी पारलिया धारा ,
हाऊँ बोलूँ सभी कने आया मेरा प्यारा ।
लगेआ भलेखा मेरा बड़ा दिल जलेआ ,
सभी दूर दसेआ ओ बड़े दूर दसेआ ॥

सब लोक घरा आए दस की नी आया तू ,
आद तिजो हैनी औंदी मिजो भुली गया तू ।
सौणा री सगन्द तिजो जे तू हुण रूकेआ ,
सभी दूर दसेआ ओ बड़े दूर दसेआ ॥

न्ह्यालप

तिजो न्ह्याली-2 कने जिन्द मुकी जाणी ओ ।
जधी तुध सुभूणा से घड़ी कधी औणी ओ ॥

छैल फुल तोड़ना ता सब लोक जाणदे,
केदी लगी डालिया जो कुन्हिए नी जाणी ओ ।

आंझुएं बी धोखा दिता बहरी-2 मुकी गै ,
सुकी गई हाखी हुण मुकी गया पाणी ओ ।

बेईमान कूकुआ तैं केड़ा गीत गाई ता ,
कालजे री पीड़ आज होर बधी जाणी ओ ।

एक गल बोलूं जे ता मत बुरा मनदे,
कुसी जो नी औंदा किहां जिन्दड़ी नभाणी ओ ।

कालजे रा दाह

सजन परदेसी तिजो हिवका कने लाई लूं ।
कालजे रा दाह एक पल ता बुझाई लूं ॥

रुसेआ संगार मेरा होठड़ू भी सुकी गै ,
जेठा रियां धुपां बिच नैण मेरे दुखी गै ,
बुझ दिया जोता जो दो घड़ी ता जलाई लूं ।

हरे भरे बाग मेरे द्वासिया च डूबी गै ,
तोता मैना मोर सब गमा कने दभी गै ,
आज इन्हा सभी ते बधावा मै ग्वाई लूं ।

पौण कठोलू चढ़ी आया मेरा प्यारा ,
तान छम छम लगी बजेआ नगारा ,
आपणी जवानियां जो फूलां ने सजाई लूं ।
कालजे रा दाह एक पल ता बुझाई लूं ॥

रोस मलेखा

लड़की — मेले मिली जायां नईं ता पतना देई देणी छाल् ।
भुली देख्यां जान्दा नईं ता डैमा च देई देणी छाल् ॥

सब-2 लोक मिली मेले जो जान्दे,
दिला रे गुवार से गंगिया च गान्दे ,
मिलणे रा थोड़ा झेम्मा टैम ता नकाल् ।
मत भूल्यां वैदा नईं ता डैमा च देई देणी छाल् ॥

भरीया जवानियां रा कुछ ता ख्याल कर ,
मुकणे जो आया साल हुण ता सम्हाल कर ,
बहानेआं वणाई कने मिंजो मत टाल् ।
मत भूल्यां वैदा नईं ता डैमा च देई देणी छाल् ॥

लड़का—ओ गोरिये ! दिल न जलायाँ मैं पुजणा जरूर नी ,
छुटी नईं मिली दस मेरा क्या कसूर नी ,
बड़ा डुघा वगदा नी पतना रा पाणी ,
गोरीए जवानी तेरी मछिएं ही खाणी ।
लगणे नकाके तेरा हुण बुरा हाल नी ,
आपणा ता छड तिजो मेरा भी खयाल नी ।

थूकी दे जल्वाट कढ दिला रा गुवार ।
पुजेया करारा पर पतना ते नईं देणी छाल् ॥

बचारा आँझू

हाखियां ते रुढ़देया, खूना रेया अंझुआ ।
आगी पर मत पौन्दा, तिजो सेक लगणा ॥

हटी जा तू दिला जो, जेथी था तू बसेआ ,
कुण भेती मिल्या तिजो, किने पैण्डा दसेआ ।
चीज तू बगानी देख, मिजो पाप लगणा ,
आगी पर मत पौन्दा, तिजो सेक लगणा ॥

उमरा री सौग तेरी, छडी मत जान्दा तू ।
मौके बे मौके, मिजो काम आन्दा तू ।
जग होया बैरी देख, कल्हा किहां छडणा ।
आगी पर मत पौन्दा, तिजो सेक लगणा ॥

यादां रा परछावां

ढलदे ही सूरज लम्मा परछावां ,
नेड़े नेड़े औन्दा पर पकड़्या नी जान्दा ।

कितना भी बचूँ पर पीछा नहीं छडदा ,
लाख फटकारेया रती नई डरदा ।
न कुछ बोलदा न बोलणे देंदा ,
सौगी चफेरे लिपटेआ रहन्दा ।
दिल धक—धक करे साह फूली जान्दा ।
नेड़े — नेड़े औन्दा... .. ॥

कई वारी सोचेआ ये क्या हुणे लगेआ ,
किन्ही बैरिए कोई टूणा ता नी कितेआ ।
चिड़िआ रे डार सब आई गए घरा जो ,
एढ़े मौके मिजो तड़फाई मुआ जान्दा ।
नेड़े — नेड़े औन्दा... .. ॥

दिलड़ू लगाणे रा एही रोग खटेआ ,
आपू गए दूर मिजो खूहा बिच सटेआ ।
ये परछावां नाग बणी बणी डसदा ,
अपणे पलेस जोरो जोर मुआ कसदा ,
मारघा भी डन्ग चुप गुप सैही लैन्धा ।
नेड़े नेड़े औन्दा ॥

दलासे

लड़की— हां ओ मिन्जो देई गया झूठे दलासे ।
लगदा नी ज्यु मेरा जाऊं किस पासे ॥

लड़का— तू रूसी गई नी ता जिउन्दे नी आसे ।
लगदा नी ज्यु मेरा जाऊं किस पासे ॥

लड़की— जाणे परमेसर तू किथी लुखेआ ,
तेरियां निहालपा च खून मेरा सुकेआ ।

लड़का— दसी जाओ लाज कोई मेरेआं दुखां रा,
आपणियां आगी बिच दिन रात जलदा ।

लड़की— मेरी झूठी मेदा जो देई जा तसल्लियां,
हुण बैरी करदे गल्लां दिल जलियां ।

लड़का— इक गल आज तिजो साफ-2 दसूं नी ,
भूली जाऊं तिजो कधी मेरा भी बस नी ॥

लड़की— हां ओ मिन्जो देई गया झूठे दलासे ।
लगदा नी ज्यु मेरा जाऊं किस पासे ॥

डंग काली राती रे

वरसे छमाहिं तुध फेरा पाणा ।
दसी जायां दिलडू आसां किहां लाणा ।
ओ साथिया ॥

रित औन्दी जान्दी तेरा सुख न सनेहा,
बुरे बुरे सुफने ता दिल रोन्दा रैहा ,
आपणा बगाना सब बैरी हुआ सारा जग ,
दुख पापी दिला रा किस जो सुनाणा ।
ओ साथिया ॥

काली राती नागणिए डण्ण मारे इतने ,
अम्बरा च तारे कने फूल बागां जितने ,
इक बारी आई जा जैहर बुझाई जा ।
खून औन्दा आंझुएं कितना छुपाणा ।
ओ साथिया ॥

भर बरसाती

भर बरसाती बिच तेरी बाट देखदी ।
सारा दिन देखदी ता सारी रात देखदी ॥

सब मेले होई गै, बसोआ भी मुकेआ ,
तिजो याद करी कने, दिलङ्गू भी सुकेआ,
आज तेरी बुरी लगी कालजू जो छुरी लगी ।
चन्दे खा देखदी ता तारेआं खा देखदी ।
सारी रात देखदी ता सारी रात देखदी ॥

खाडे नी तू सूकी जायां बाट देख्यां रोकदी ,
द्युलिए तू लोय कर्यां, पीछे देख्यां हटदी ,
देख बरसात आई, तू भी आज जायां आई ।
सेर लोहू सुकदा जे दो दो पंछी देखदी ॥
कल्ही मुई रोन्दी रोन्दी तेरी बाट देखदी ॥

कचचे छालू

दिलङ्गू लगाई के मैं एढ़ा फल पाया ।
दुनियाँ री ठोकरां न अपना पराया ॥

रस्ते रे कण्डेआं पैर दखोई ते ,
नरम थे बहुत जखमे परोई ते ।
आधो आध पुजेआ तां चेता आया ,
रस्ते रा भुलेआ इनू चिएं आया ।
दुनियां री ठोकराँ न अपना पराया ॥

अनिंदे जान्दे सब लोक देखी गै तमासा ,
खूना रे आ छिटेआँ रा पाई गै हासा ।
आपणियाँ कितीयाँ ते कोए नी पछताया ,
मारी लया मन मैं न रोया करलाया ।
दुनियाँ री ठोकराँ न आपणा पराया ॥

याद देख्यां औन्दी

दिला रेया जखमा जो न छैड़े कोई ,
काटी लैणै चार ध्याड़े चाहे रोई रोई ॥

दाग एढ़ा लगेया नी मिटणे च औन्दा ,
मना री ये चादर मली मली धोई ।
मैं नी दसी किसी जो ए गल किहां बधी गी ,
ताने देन्दे सब पर पुछदा नी कोई ।

होठाँ पर जन्दे लाए मैं नी कुछ बोलणा ।
इक इक आँझु रख्या दिला च लकोई ॥

आया नी तबार पर सब लोक बोलदे ,
बुरी हुई तुध कने बड़ी बुरी होई ।
बोलदा था कोई पर मैं नी सच मनेया ,
इस पैण्डे जाई कने हटेआ नी कोई ।

काटी लेणे चार ध्याड़े चाहे रोई रोई ।
याद देख्या औन्दी ॥

अरज

नजरा मलाई कने मत फेर आखियां ।
दिना जो नी चैन काली कटदी नी रातियां ॥

हुआ क्या कसूर मिजो इक बारी दसी जा ।
मैं ता दिल जान तेरे कदमां च रखिया ॥

पिपला रे हेठ सब साथणियां झुटदी ।
मेरी मन पींघा रीयां टूटी गईयां रसियां ॥

बालक बरेसां मिजो पता हे नी चलेआ ।
खारे आंझुंए कधी गाली दीती आखियां ॥

चन्दरे मना जो समझाया लख बारी ।
छडी नईं जिद मेरी एक नईं मनियां ॥

बरसी ने उड़ी जान्दे बदल भी सौणा रे ।
नैणा रीयां नदियां कधी भी नी सुकियां ॥

भली नी ओ कीती

तेरेआँ वछोड़ेआँ ने जिन्दड़ी मुकाई ती ।
भली नी ओ कीती साथिया ॥
ज्युन्दे ज्युए ल्होथ मेरी आगी बिच पाई ती
भली नी ओ कीती साथिया ॥

लुकी छुपी मिलणा से गल्लाँ खटी मिठियाँ ,
रूसणा मनाणा कधी लिखणियाँ चिठियाँ ।
पाथरा ने फोड़ी के दिल मेरा तोड़ी के ,
हुई गी दूर तू गल भी भूलाई ती ॥

हटी फिरी आई गी काली काली बदली ,
तेरियाँ नसाणियाँ आईयाँ नी नजरी ।
दुखड़े लकोई के दिलो दिल रोई के ,
हाड भी गली गै जान भी दुखाई ती ॥

रेके

मेरा गीत चुप गुप गाणे वालेआ ।
रोणा तेरा काम नी सताणे वालेआ ॥

करमा रे फल सब झोलिया मै पाई लै ।
तेरा क्या कसूर पछताणे वालेआ ॥

इको इक दिल होर चीरे लाए इतने ।
दया भी नी आई पाछ लाणे वालेआ ॥

परछावें यादा रे जान्दे जान्दे लई जा ।
हुई हासी सुफने च औणे वालेआ ॥

तेरे हाथ कम्बदे खरे नई ओ लगदे ।
तीर चक पक्के नसाणे वालेआ ॥

से गल्लां गई

से दिन गए से गल्लां गई ।
तेरी कितीयाँ भी मिंजो नी याद रही ॥

मेरे कालजे जो चीरी कने हासणे वाले ।
तेरी हासिया रे कठे मैं ये चीर सही ॥

बिजली लसाके ता सभी लोके देखे ।
नी देख्या मेरा टपरू जिथी बिज पई ॥

खरा था बचारा सब हुण लगे बोलणे ।
जियुन्दे मेरी किन्हीए नी खबर लई ॥

एक चुप सौ सुख गल गाठी बान्ही ली ।
जादा बीती आरा हुण धख झे रही ॥

बसणा चम्बे रीया धारा ,
चम्बे रीया धारा,
जीणे रा नजारा ।
राबिया रा ठण्डडा कनारा ॥

घणे घणे जंगलाँ च ठण्डी हवा चलदी ,
उची उची धाराँ जानी वड़ी बाँकी लगदी ।
धारा पर जंगलाँ री माला ।
बसणा चम्बे रीया धारा ॥

भोले भाले लोक इथी मिली जुली रहन्दे ,
सारे सौगी हासदे ता कठे दुख सहन्दे ॥
छम छम करदियां नारा ।
बसणा चम्बे रीया धारा ॥

सड़का रे कण्ठे आसाँ बंगले च बसणा ,
मिजराँ रे मैले जानी हासी हासी नचणा ।
सौगी सौगी बजणा नगारा ।
बसणा चम्बे रीया धारा ॥

सरुआं री डालिए

छैल छबिलिए तू सरुआं री डालिए ।
फूलां कने सजिरीए नवीं नवीं लाड़िए ॥

किने बे सन्यारे तेरे गैहणेआं जो घड़ेआ ,
किने तेरे जिसमां जो तारेआं ने जड़ेआ ।
किने तेरी मांग भरी, बागां रीए प्यारिए .
फूलाँ कने सजीरिए नवीं नवीं लाड़िए ॥

लुखी गई चानणी जे देख्या तेरा रूप नी ,
चार चफेरे तेरे रंगा री ए धूप नी ।
खेतरां च नचदिए गोरिए तू न्यारिए ,
फूलां कने सजीरिए नवीं नवीं लाड़िए ॥

इक ता जवानी तेरी दूजे लक पतला ,
देखी सुणी रैहां नी तू नपणे रा खतरा ।
नौखा तेरा नखरा नी फागणा री प्यारिए ।
फूलां कने सजीरिए नवीं नवीं लाड़िए ॥

बदला रे टलुआ

दूर अम्बरा च जान्दे बदला रे टलुआ ।
लई जा सनेहा इक देयां सजना जो ॥

दिन जान्दा रात अँदी इहां दिन बितदे ,
चान्द तारे सई जान्दे मेरे नैण जागदे ।
मुकेआ करार तेरा बोली देयाँ तिस जो ।
लई जा सनेहा इक देयां सजना जो ॥

रोज तेरी आस हुन्दी रोज दिल टुटदा ,
केदा काम पया तिजो जेदा नई ओ मुकदा ।
बीती जाणा सौण सारा बोली देयां तिस जो,
लई जा सनेहा इक देयाँ सजना जो ॥

फूलां पर भौर किहां गुण गुण करदे ,
चिड़ू ता पखेरू दूर उड़ी मौज करदे ।
दिल मेरा जली जान्दा बोली देयां तिस जो ,
लई जा सनेहा इक देयां सजना जो ॥

चल जानी मेरिए

जमणो ते मण्डिया जो चल जानी मेरिए ,
जमणी री धारे धारे चली पई मोटरां ,
गडियां री सैल कराऊं जानी मेरिये ॥

सौ रुपै रा सूट तिजो देसा ते मंगाई दूँ ,
अम्बरा रे तारे तेरे चादरू जो लाई दूँ ,
लई दूँ गोरे हाथा जो रमाल जानी मेरिए ॥

कालदू री बाई जानी ठण्डा नीर पियां तू ,
टण्डी पौण जंगला री घडी भर बैठ्यां तू ,
एवाला रा बसोआ चल दसूं जानी मेरिए ।

धारा पर कुन्तभ्यो नीलासर बसदे ,
पांडवां रे टैमा रीयां गत्ला आज दसदे ।
नैणा देवी सुखना चढ़ाऊं जानी मेरिए ,
गडियां री सैल कराऊं जानी मेरिए ॥

कुस जो सुणाऊं

दस मुएआ दिला तिजो कुथी जे लगाऊं ।
क्या हाल तेरा हुआ कुस जो सुणाऊं ॥

बेईमान दुनियां रा की तवार किता तैं ,
मेरी नाहं करदेआं अगे हाथ किता तैं ।
रोन्दी रोन्दी हाखी हुण कुस जो दखाऊं ,
क्या हाल तेरा हुआ कुस जो सुणाऊं ॥

धोखा हुणा तेरे कने पैहले सोची लैणा था ,
पाथरा रा बणदा जे एढ़ा दुख सैहणा था ।
जीणे भी नी देन्दा मुआ तिजो कुथी पाऊं ।
क्या हाल तेरा हुआ कुस जो सुणाऊं ॥

तेरे पिछे बदनामी सिरा पर लिती मैं ,
दुनियां री गल्लां सुणी “सी” भीनी किती मैं ,
हुण जे तू बोले किते कधी भी ना जाऊं ।
क्या हाल तेरा हुआ कुस जो सुणाऊं ॥

काटी कने फंग

तेरियां मुहब्बतां ने हाल ये बणाई ता ।
काटी कने फंग तोता पिंजरे च पाई ता ॥

रखेआ लकोई दिल किसी जो नी दसेआ ।
मिलदे डी नजरां मैं पला च गवाई ता ॥
गम मिले इतने जे हुण हासी छुटदी ।
रोज रोज रोणे रा मैं स्यापा ही मुकाई ता ॥

फुलां रीयां फंगड़ियां गुम सुम रोई गी ।
मेरा गीत बागां बिच दुखिए जे गाई ता ॥
भूली जान्दे सब इत्थी कोई निहां किसी रा ।
एढ़ियां तसल्लियां ने दिल मैं पट्याई ता ॥

मेरी जिन्दगी

तिजो पता ही नी लग्या ये क्या हुन्दा रैह्या ।
कोई डूवदा रैह्या कोई तरदा रेह्या ॥

इहाँए तें देख्या था चार चफेरे,
तिजो क्या पता कोई देखदा रैह्या ।

मैं सूरजा ते अग्रे री सोची री थी ,
पर इक चन्द मेरे पीछे नठदा रैह्या ।

मैं भी आपू जो समझाँ कुछ था ,
इक माहणू भोला जे मिजों ठगदा रैह्या ।

बदला रे टल्लू साहीं मेरी जिन्दगी ,
गजदा रैह्या किते बरधा रैह्या ॥

पिछलियां गल्लां कुछ गुजरे जमाने ।
टोलने लगे याद आओने रे वहाने ॥

एकी एकी माहणू री सौ सौ सकलां ,
एको जेहे लगदे आपणे बगाने ।

एकी नजरे दिल पाणी पाणी करी ता ,
जेढ़ा था पालेआ बड़ेआ दुखां ने ।

सुफने री गलाँ सच नई हुन्दी ,
नई ता सौगी हुन्दे आसे भी तुसां ने ।

कलेस

चिटे गोरे रंगा रेया लोभिया,
तैं दिला री कदर नई जाणी ।

बड़ेआ बपारिया तैं खरा मुल लाया ,
धुले मुले दिल कने प्यार सिन्दी लाया ।
तेरा ये नसाफ नई किन्हीए सराह्या ,
तैं एक किता खून होर पाणी ,

चिटे गोरे रंगा रेया लोभिया ।
तैं दिला री कदर नई जाणी ।

बड़ेआ शराबीया तू नशेयां रा मारा ,
बोतलां च पलदा नागाँ रा फणकारा ,
हाख जे मलाई तिजो दिशदा नजारा ,
मैं नैण कटोरेयां री राणी ,

चिटे गोरे रंगा रेया लोभिया ,
तैं दिला री कदर नई जाणी ।

गलान्दा देखेआ

कधी हासदा ता कधी करलाँदा देखआ ,
आसे एक माल्लू तुसा ने गलाँदा देखआ ।

कोई देखे न दखाये, कोई सुणे न सुणाये ,
एक भला लोक नैणा ने गलाँदा देखआ ।

बैरीयां री गलाँ कने तुसे किजो दुखदे ,
मैं ता सजण भी डमके लगाँ-दा देखआ ।

राँणकाँ नजारे कधी जिस कने रहंदे थे ,
से भो आज कल्हा - मुल्हा जान्दा देखआ ।

बुरा हा जमाना तुसे, सच देखया मनदे ,
ये ता हर केते मेरा नाँव लाँदा देखया ।

कधी हासदा ता कधी करलाँदा देखया ,
आसे एक माल्लू तुसा ने गलाँदा देखया ।

गंगी-बालो

लड़की - इन्हा हाखियां ते नीर बगदा ,
छोड़े - छोड़े मिल्यां छोरुआ ,
मेरा दिल नी ओ किते लगदा ।

लड़का - तेरे बाझी भी ना चन्द चढ़दा ,
वरखा च आग बहूदी ,
होर रोन्दा रोन्दा दिन ढलदा ।

लड़की - बंगा पैन्हणियां देखी सुणी के ,
चादरू रंगाई दे तोतकी ,
मेले जाई लैणा बणी ठणी के ।

लड़का - तू ता गोरिए जवानिएं भरी ,
मुड़ी - मुड़ी तिजो देखदे ,
इन्हा छोरुआ री नीत नी खरी ।

- लड़की - इन्हा बैरियां ता जली मरना ,
तू ता छोरू गम ना करयां ,
जेदा करना आसां ई करना ।
- लड़का - तेरे पिछे मैं ता छाडी ते सारे ,
नदियाँ रे मोड़ी हूँ छरे ,
होर अम्बरा रे तोड़ी हूँ तारे ।
- लड़की - ऐसा मरजा रा लाज दसी जा ,
धक धक करे कालजा ,
जली निन्दरा ने बैर फसी रा ।
- लड़का - ऐसा मरजा ता तारे दसणे ,
दस्यां भला नाड़ी गोरिए ,
ठीक हुणा पर सूए लगणे ।
- लड़की - सुण बैरिया तैं जुलम किता ,
चादरू भी छेखी लो गया ,
नवां सूट भी मरोड़ी लो दीता ।
- लड़का - फटे चादरू जो सट जाली के ,
पकीयां मुहब्बतां मेरी ,
सूट लई लैयां ताली ताली के ।

लड़की - तेरे फफड़े मैं सभ जाणदी ,
सच सच 'दस्यां छोरूआ ,
कधी सुफने च हांऊं भी आग्रोंदी ।

लड़का - तिजो ठगी के मां क्या लो करना,
सुफना तू सुण गोरिए ,
पर सुणी कने औणी सरमा ।

लड़की - काला कुरता सयाणा टसरी ,
खुला डुला सीयां छोरूआ ,
भीड़ा हुंगा तेरे सिरा सटगी ।

लड़का - सारा दोस मेरे सिरा ही आन्दा ,
मेरा क्या कसूर गोरिए ,
नाप रातों रात बधली जांदा ।

लड़की - मेरे बागां बिच छांव लो घणी ,
जगे—जगे बाड़ लगीरे ,
तिजो पुजणे जो देर लगणी ।

लड़का - दिल तोड़ना नी कधी लाई के ,
भानी तोड़ी बाड़ सटणे ,
मैं तां पुजणा ठकाणे जाई के ।

लड़की - इसा पींघा रा भुटारा लई जा ,
तू भी क्या ही आद रखगा ,
इस बागा री बहारा लई जा ।

लड़का - मेरी बाटा बिच फुल पई रे ,
तू ता बड़ी चीज नी छोरी ,
मैं ता सुरगा रे भूटे लई रे ।

लड़को - मेरी जान कधी निकली जाणी ,
नैणा जो सम्हाल छोरुआ ,
मेरा दिल हुआ पाणी लो पाणी ।

लड़का - तेरी ज्वानियाँ कमाल करना ,
हाखियां ता राल गोरिए ,
दिल खिली ने गुलाब बराना ।

लड़की - तिजो काजो होरा - होर लगीरी,
स्याणैआं गलाईरा छोरुआ ,
दाणे - दाणे पर मोहर लगीरी ।

लड़का - स्याणी गत्लां हण खूहा पाई ती,
मैं ता मुईए जेवा रखी री ,
दाणा देख्या होर मोहर लाई ती ।

लड़की - इन्हा ग्राम्वा रा तू मुल लाई लै ,
तोड़ी तोड़ी देख्याँ छोरुआ ,
स्वाद लगदे ता झोले पाई लै ।

लड़का - कच्चे ग्राम्वा तैं ता पैला पाई रे ,
छिकणू जो खोल गोरिए ,
काजो साइने वचारे लाई रे ।

लड़की - तैं ता वुरा ये कलेस पाई ता ,
भोला भाला दिल था मेरा ,
तैं ता पक्का ये पलेस पाई ता ।


लड़का - इन्हां गल्यां ते तू मत डरदी ;
किसी जो न दस्यां गोरिए ,
देख्याँ जिन्जो वदनान करदी ।

लड़की - हाऊँ ता सरमा ही करदी रैही ,
पखला पच्छ्याणू निकल्या ,
मैं ता आजा तक डरदी रैही ।

लड़का - नवें फुल हुण फुली लो गए ,
जनमा री सौग अपणी ,
इस जनमा भी मिली लो गए ।

लड़की - सुके डालुआं जो पाणी देई जा ,
चलेआ ता जायां छेरुआ ,
जान्दा जान्दा तू नसाणी देई जा ।

लड़का - मेरा पल्ला हुण हुआ सखणा ,
दिल जान तेरी गोरिए ,
हुण माँगी लै तू क्या बे मांगणा ।



J